

20 JUN 2001

ABDULLAH RASMI PERHIMPUNAN AGUNG PEMUDA DAN WANITA

KUALA LUMPUR, 20 Jun (Bernama) -- Perhimpunan agung pergerakan Pemuda dan Wanita Umno hari ini dirasmikan serentak oleh Timbalan Perdana Menteri Datuk Seri Abdullah Ahmad Badawi.

Perasmian bermula dengan ucapan oleh Abdullah, yang juga Timbalan Presiden parti diikuti dengan ucapan Ketua Pemuda Datuk Hishammuddin Hussein dan Ketua Wanita Datuk Seri Rafidah Aziz di Dewan Merdeka Pusat Dagangan Dunia Putra (PWTC).

Perhimpunan Pemuda dan Wanita kemudian membahaskan ucapan dasar ketua masing-masing serta membincangkan usul-usul.

Seramai 689 perwakilan Pemuda dan 635 perwakilan Wanita Umno dari 165 bahagian Umno menghadiri perhimpunan hari ini.

Perhimpunan Agung Umno akan bermula esok dengan upacara menaikkan bendera Umno oleh Perdana Menteri Datuk Seri Dr Mahathir Mohamad yang juga Presiden parti dan disusuli oleh Ucapan Dasar presiden.

-- BERNAMA

MHI ZS PR